

Eyn
Tend-
brieff,
wie es
zu
Rhom
ergan-
gen ist.







C
**Eyn Sendtbrief / so eyner sey
nem bruder von Venedig**

heraus gesandt / darynn begriffen / wie
es am vierden tag May des M.
D. xvij. jars zu Rom er
gangen ist.

32.

1896/7:249

Handwritten text, likely bleed-through from the reverse side of the page. The text is faint and difficult to decipher but appears to include a name and possibly a date or location.



Laus deo. M. D. cccc. lxxij. Adi. ij. Junij/
in Venedig.

Freündlicher lieber Brüder / auff deyn Begern
an mich mehmaln gethan / wolt ich dich gern
die kriegsfließ / wo ich die rechte warheyt verne-
men künd / wissen lassen / vnd solt mich in dem
Keyn mühe verdriessen / damit du andern herren
vnd güten freunden die selbigen mit kündtest taylor. Es wer-
den aber alle sachen / die sie gern vngeöffent wollen haben /
in des Herzogen Rath gezogen / halten ire eygene schiff zu
Jodza / So die boten kumen / müssen sie in die selbigen schiff
sitzen / vnd dürffen die schifflewt nicht fragen / vnd die boten
einnoch mynder sagen / vñ alle Brieff in des Herzogen Rath
antworten / da wirt ir angezeygt / wenn sie gefragt werden /
was sie sagen sollen. Jedoch so lest es sich nicht gar Bergen /
man wirdts von mehr orten / als von Florenz / vnd der gley-
chen / auch von denen / so von Rhom kumen / gewar. Doch
wil ich dir anzeygen / so vil ich warer newer zeytung hab er-
künden mögen / die man doch nicht öffentlich sagen darff /
wie etwan geschehen. Es ist eyner hieher kumen / der zu
Rhom gewesen ist / da die Keyserischen / Teütsche vnd His-
panier Rhom eyngenumen haben / der zeygt an / desgleys
chen die Brieff / so etlichen Herren geschriben seyn worden /
wie das des Kayfers hauff / Teütsch vnd Spanioln / an
dem. iij. tag des Mayen sind mit eyner Schlachordnung
an Rhom geruckt / vnd die Stadt an dreyen orten mit stürm
angegriffen / vnd grossen widerstand gehabt haben / vnd in
solchem stürmen / bey drey tausent erschossen vnd erschlagen
worden / auch der Herzog von Urbini erschossen / vnd der
herr von Burbon / als er von seynem pferd abgestygen ist /
vnd selbst eyn laytter an die mauren gelaynt / ist er nahe bey
dem gemecht in eyn schenckel geschossen worden. Als er nu

26 ij

426

gefallen ist / vnd seynes lebens nicht mehr verhofft / hat er zu
seynen leuten gesagt / die auff in gewart haben. Selbste getrost
aneinander / jr werd herwt die gröst ehr eynlegen / so in hun-
dert jaren nye geschehen ist / vnd hat sich heysen zudecken /
damit man keyn schrecken ob jm empfahe / vnd ist auch also
verschayde. Man sagt / das diser eyn seer firtreflich man ge-
wesen sey / vnd das er Römi. Kay. May. trewlich gedienet
hab. Herr Jörg von Fronspurg ligt auch fast kranck / das
man vermeynt / das er nicht auff kumen werd / das Kay.
May. wol erkennen mag / das solcher syg von Gott / vnd
nicht von den Hauptleuten kumen sey / seyen auch wie firt-
reflich sie wollen. Do nun des Kayfers volck so gewaltig
gestürmet / sind sie mit eynem gewaltigen hauffen in die stat
Rhom kumē an dē. viij. tag May / vñ haben den Hauptman
Comilo visine genant erschlagen / vnd den Hauptman Ken-
co von Thur hart verwundet vnd gefangen / vnd haben den
Papist / so mit sampt. xvij. Cardinelen in die Engelbürcz ge-
flogen ist / belegert / daselbst hat sich der Papst vñ seyn hauff
biß auff den. xvij. tag May enthalten. Darnach hat der
Papist vnd die Cardinel / auch des Papsts Hauptman mit
sampt andern Herren die Engelbürcz auffgeben / vnd sind
geschertzt worden vmb vier hundertmal tausent Ducaten /
vnd hat sich der Papst mit sibenzehen Cardinelen gefange-
geben / vnd ist also gefürt worden gehn Caieta. Der Cardis-
nal von Somito ist im fliehen zu der Engelbürcz auff der
prucken mit seynem maulesel gefallen / vnd also von den flie-
henden ertreten / vnd in den graben geworffen worden. Die
Cardinel Fronosier / vnd de Valla / als Kayserische / die sich
sicherer in der Stadt vermeynten / dann im Schloß / sind
bayd erschlagen. Den Barfüßer Cardinal Arzelli genant /
haben sie lebendig geschunden / vnd haben sunst eyn groste
menig volcks erschlagen. Auch alle krancken im Spital zum
heyligen Geyst / vnd ire pfleger / Dergleychen alle Münch

Pfaffen / vnd Tinnen in iren hewsern / Der Cardinel / Bis
schöff / Prelaten vnd Clöster diener nyemand lebendig gelaf
sen. Sie haben alle Vrsiner vnd ire anhenger mit weyb vnd
Kindern erschlagen / darzü ire diener / vnd ire hewser nider ge
schlagen vnd zürissen / vnd eyn selzam spil mit den gemeyn
nen weybern getriben. Sie haben auch erobert / ob tausent vñ
fiuffhundert Maulesel vnd pferd / vñ reytten durch Rhom
in der Prelaten langen klaydern / haben der Cardinel vnd Bi
schöff hüt auff. Die Marggrefsin von Mantua / des Herzog
gen von Ferrer Schwester / ist geschetzt worden vmb vierzig
tausent Ducaten. Es sind auch vil Rhömer geschetzt wordē
vnd darnach erschlagen. Sonderlich hat Dominicus de
marino geben hundert tausent Ducaten vnd bezalt / vñ dar
über mitsamt dreyen sinnen in seynem hauß erschlagen / wels
che mit andern flehlich gepeten / vnd sich erpoten allenthal
ben wilfarung / sich nicht weren / noch wider den Kayser zu
thun. Doch habē sie in solchem dem übrigen volck in Rhom
frid vnd geleyt zügesagt / vnd on stewart da zu wonen. Haben
verordnet drey Gubernator / den Cardinal de Colono / mit
sunst zweyen. Diweyl nun des Kayseris Kriegsvolck also
zu Rhom gelegen / ist der Venediger Kriegsvolck eylends
auff Rhom zügezogē / vñ haben eyn Feldleger sibē walsch
meyl von Rhom geschlagen / vnd eynen hauffen Knecht vñ
dem heer auff fiuff tausent zu fuß / vnd sechs hundert gerins
ger pferd mit dem Hauptman Graff Guido von Rangon
auff Rhom gesandt zü besichtigen / wie dem Papst zü hel
ffen were. In dem selbigen sind die Kayserischen in Rhom
dero gewar worden / vnd heraus gezogen / vnd der Venedi
ger volck / die dann auffbrachen vnd hyndersich gewichen
waren / angriffen / vnd ob drey tausent des Venedigischen
Kriegsvolck erschlagen / vnd haben der Venediger Haupt
man gefangen / vnd vmb sechs zig tausent Ducaten geschetzt
Ist also der Venediger hauff in tag vñ nacht sechs vñ dreys

fig walsch meyl hynder sich geruckt. Aber des Kayfers hauff
ist auff Viterbo gezogen / vnd hat sie eyngemmen / daryn
sie den Hauptman Friderico de Bazalo Franck gefunden /
vnd gefangen haben. Von dannen sind sie auff Perusa gezo
gen / dieselbige auch eyzunehmen. In mitler zeyt sind die Ne
apolitanischen auch gehn Rhom kumen / vnd was vor über
blyben ist / haben sie gar erschlagen / den herren von Burbon
vnd den hertzogen von Urbin zu rechen.

Auff den dreyszigsten tag May / ist der hertzog von Fer
rer außgezogen mit zwey tausent haken püchsen schützen / vñ
acht hundert geringer pferd. Etlich sagen / er ziehe des Kay
fers hauffen zu / so sagen etlich / er wolle Modona vnd
Redzo eynnemen / dem gib ich mehr glaubens dan
dem andern. Was sich weytter verlaufft /
wil ich dich auch zu seyner zeyt wissen
lassen / nymn yetzo mit dem also
für gut.







Tm 6011 h

X 2212139

Fragment of a label on the right edge of the book cover, containing faint, illegible text.





Farbkarte #13

B.I.G.

otbrieff / so eyner fey
der von Venedig
nde / darynn begriffen / wie
erden tag May des M.
ij. jars zu Rhom ers
gangen ist.

32.

1896/7:249

